

Ուեստզեստրի Հայք. Եկեղեցւոյ հովանիին ներքեւ մեր սիրելի հոգեւոր հովիւ, Արժանաշնորհ Տէր Գարեգին Քահանայ Գասպարեանի նախաձեռնութեամբ եւ առաջնորդութեամբ Հոկտ. 25, 1978ին կազմուեցաւ Աւազներու Խումբը, որուն անդրանիկ հանդիպումը տեղի ունեցեւ նիւ Բօշէլի մէջ, Ուզունեան Տունը, 20 հոգիներու մասնակցութեամբ: Հաւաքոյթին նպատակը բացատրուել է ետք տեղի ունեցաւ դիւանի ընտրութիւն յանձին Տիկ. Աղաւնի Սահակեանի, ատենապետուհի, Տիկ. Սրբուհի Թորոսեանի, ատենադպրուհի, եւ Տիկ. Մինա Մանուկեանի, զանձապահ:

Կազմութեան թուականէն ի վեր մեր խումբը ունեցած է ութ հանդիպումներ (զանց առնելով տարուան ցուրտ եւ տօթակէզ ամիսները), որոնց ընթացքին ունեցած ենք կարճ պաշտամունք, դաստիարակչական յայտագիրներ, ընկերային ժամանց եւ ճաշկերոյթ: Բոլորին ալ հրաւերները, կարգադրութիւնները եւ նոյնիսկ շատերու փոխադրութեան միջոցը հայթայթուած է մեր Արժանապատիւ Տէր Հօր կողմէ:

Մեր ամսական հաւաքոյթները տեղի ունեցած են նիւ Ծորքի զանազան Եկեղեցիներու մէջ, բացի մեր Եկեղեցիէն, ուր մեր հանդիպումները զուգահեռած են այդ Եկեղեցիներու Աւազներու խումբերուն հետ, որոնց կարգին Պէյսայտի, Մայր Տաճարի եւ Սբ. Խաչի խումբերը: Մեր ձէր Հայրը ամէն տեղ տուած է դաստիարակչական դասախօսութիւններ եւ ցուցադրած Հայաստանեան տեսարժան պատկերներ, եւ երգերով ու հոգեւոր ժամանցով հայթայթած հոգեկան խորին գոհունակութիւն բոլորին, որուն համար երախտապարտ ենք մեր սիրելի Տէր Հօր եւ հպարտ կը զգանք իրմով իբրեւ մեր հոգեւոր հովիւր:

Յունիս 14ին 14 հոգիներէ բաղկացած մեր խումբը հիւրասիրուեցաւ Էդարի Բարթի ծովեզերեայ մէկ ճաշարանին մէջ, հիւրամեծփրոքութեամբ ձան եւ Բօլին ճապակեաններու, որոնց շնորհակալ ենք ի սրտէ:

Ամէն ամիս ներկայ եղողներ մէկական տուար վճարում եւ շատերը այլ տեսակի նուիրատուութիւններ եւս ըրած են: Ունեցած ենք անուշեղէններու եւ խմորեղէններու վաճառք Յունիս 1ին, որմէ գոյացած է 88 տուար: Տիկ. Սահակեան քանիցս բաղարջ հաց շինել եւ ծախելով աւելցուցած է մեր եկամուտը:

Մեր ծախսերու կարգին ունեցած ենք օթօպիւսի վարձք նիւ ձըրդի երթալու, դրոշմաթուղթի եւ նաեւ Եկեղեցւոյ ինքնաշարժի վիճակահանութեան համար տոմս 1979 Դեկտեմբերի վերջաւորութեան մեր զանձին մէջ կար 166.69 տուար:

Մեր նպատակն է որոշ գումար մը գոյացնել եւ նոր Եկեղեցւոյ խճանքին համար կարգ մը կաթսաներ եւ ամանեղէններ գնել:

Փակել է առաջ կը հրաւիրենք ուրիշներ ալ որ մեզի միանան այս հաճելի եւ օգտակար հաւաքոյթներու համար:

Աղաւնի Սահակեան
Ատենապետուհի
Սրբուհի Թորոսեան
Ատենադպրուհի